

A colleita de 2009 de Ribeira Sacra é moi boa, segundo catadores reunidos na Peroxa

A Denominación de Orixe Ribeira Sacra celebrou a cata de cualificación da colleita 2009. O escenario da cata foi a casa consistorial da Peroxa na subzona de Chantada. Durante unha hora o panel de cata, composto por dez catadores, valorou 11 mostras de viños, 10 deles mencía e un plurivarital.



Hernáez Mañas e os demais catadores, no consistorio da Peroxa.

As mostras recóllense por subzona, de modo que en cada subzona se recollen mostras dunha adega de moita producción e mostras dunha adega de pouca produción. O panel de cata estaba formado por: Eugenio Rodríguez Suárez, da Asociación de Sumilleres Gallaecia. Pablo Vidal Rodríguez, da Asociación Galega de Catadores. José Antonio Portela Sánchez, da Asociación Galega de Sumilleres. Mikel Ceberio Aguirre, da Asociación de Sumilleres de Navarra. Waldo

Carreiras Albo, xefe de Servizo de Promoción Agroalimentaria da Consellería de Medio Rural. Bartolomé Sánchez. Martínez, xornalista gastronómico. José Luis Hernáez Mañas, experto en viticultura Luis Díaz Álvarez, xornalista. José María Martínez Alonso, membro do panel de cata do CRDORS. Mar Vilanova De la Torre, da Misión Biolóxica de Galicia. As catas de cualificación na Denominación comezáronse a facer dende o inicio desta, en 1996. A cata de cualifi-

cación correspondente a esta colleita tivo como escenario Monforte (subzona de Amandi) e a cualificación obtida fora boa, desde entón foise evolucionando cada ano. A cata de cualificación da colleita 2008 deu como resultado moi boa.

Valoracións

"Os viños de Ribeira Sacra teñen un equilibrio e delicadeza que non hai noutras denominacións. Teñen todas as potencialidades necesarias, son viños diferentes que en canto se coñezan un pouco máis todo o mundo os vai pedir. Hai que seguir por este camiño", segundo Bartolomé Sánchez. "Son viños moi persoais, pola climatoloxía, os solos, as particularidades deste territorio. Este ano os viños teñen boa complexidade aromática, bocas diversas e as mellores maduracións dos últimos anos" afirmou Pablo Vidal Rodríguez. "A pesar da climatoloxía os viños son bos, frescos. Coa tendencia que está a ter a Denominación nos últimos anos, os viños de Ribeira Sacra xeran expectativas porque cada vez se espera máis deles", opinou José Antonio Portela. "Son produto desta terra, viños exclusivos, únicos que só se poden facer aquí. Viños homoxéneos, de boca moi ben estructurados,... e melloran de ano en ano", sostén José Luis Hernáez Mañas.